

活埋犯竊匪加功
謀殺人傷而未死

圖財害命

輪姦殺人為從斬決

謀殺人因而得財

謀殺買休之妻以凡論

謀殺人嚇逼下手致斃

謀殺人徒而加功

謀殺加功減一等

謀殺人徒而加功減一等

比照謀殺總麻以上尊長已傷

謀殺十歲以下斬決新例

謀殺十歲以下斬決新例

謀殺十歲以下斬決新例

福建司

一起爲乞究夫命事曾看得寧化縣民婦陳氏活
埋長子劉彩文身死一案先據福建巡撫劉於
義疏稱緣劉彩文素不端盜賣其母耕田離
母另居素爲已改大功服兄劉文登所憎惡乾
隆五年十一月二十四日夜劉彩文起意夥同
李什行竊族人劉章耕牛一隻劉章于十二月
初四日訪知原牛在李什家隨往獲牛連人拉
至家中欲行投官李什吐出劉彩文夥竊情山

初五日劉章尋獲劉彩文與李什質對劉彩文
不認劉章掌批其頰又被李什指證明確劉彩
文亦承認無辭劉章遂將劉彩文拉投族衆時
有已故之族長劉賓以劉彩文係犯族禁議令
罰銀置酒謝族免其送官究治隨將劉彩文交
給劉公允領交其母陳氏收管劉彩文仍欲賣
母贍田陳氏不允劉彩文輒肆詈罵并推母倒
地陳氏忿怒卽欲處死時劉文立旁亦斥其
忤逆不孝劉彩文并行辱罵陳氏愈益隨私令

次子劉相四子劉牙空深祖墳旁舊坑活埋劉
彩文劉相劉牙均不敢從代求寬恕陳氏不依
遂私自攜鋤交給劉文登令其往空井先取酒
誘給劉彩文飲醉人事不知陳氏遂令劉文登
背負劉彩文自攜稻草并着劉相劉牙護送劉
牙跪求陳氏忿欲尋死隨俱勉從跟至半山劉
相跑避劉牙亦欲奔脫陳氏復行怒置劉牙曲
從至坑邊伏哭哀求陳氏弗理將所帶稻草親
于坑內塾好喚同劉文登將劉彩文放至坑中

舉鋤掩土劉牙仍拉住鋤柄阻止陳氏聲言欲
行撞死劉牙驚懼釋手陳氏隨同劉文登推土
掩埋查劉形文竊牛被獲仍復賣母膳田因母
不允輒敢肆詈將母推倒以致伊母陳氏氣忿
喚令劉文登活埋除劉文登劉賓病故不議外
陳氏合依子孫毆罵父母而父母毆殺之者勿
論律勿論劉相劉牙見母欲埋其兄屢哭哭求
因母欲尋死恐戕母命不能挽回應請免議劉
章劉公允獲賊不卽送官輒聽劉賓議罰起畔

均合依不應重律各杖八十李什食依盜牛一隻例係爲從應枷號二十五日杖七十等因容達前來查劉彩文雖經盜賣伊母膳田行竊族人劉章牛隻卽或陳氏忿怒何難鳴官究治以母子至情詎肯忍心滅性執意活埋致死卽伊大功兄劉文登雖與不睦亦並無深仇夙縛荷至聽從陳氏空坑復背置坑中掩埋且劉彩文年非幼小雖被酒沉醉何至聽憑背負置坑並無知覺而劉文登一人亦何能置諸坑中是此

案致死緣由似出情理之外再查招內據劉公允供稱族長劉賓說劉彩文竊牛犯了族禁要罰十多兩銀子置酒謝族免他送官交小的領回要他第二日叫人回話小的交他母親陳氏收管後來被埋小的不知道等語是劉彩文係劉賓交與劉公允領回令其覆信之人追劉彩文被埋釀成人命次日劉公允何以竟置之不問遠避江西而被竊獲牛之劉章亦並不究問且劉相劉牙係伊母陳氏令護送往山之人據

屍妻李氏供稱四處訪查兩個郎叔勸婆婆不
住實沒有動手等語究訪于何人查于何處並
無確供其中顯有造謀主使及加功之人以陳
氏一人承認可以脫卸已罪而索銀加功俱推
卸于病故之劉賓劉文登二人陳氏等婦女無
知不無賄囑扶供等情事關懷斃命案不便率
結應令該撫再加研鞠務得實情按律妄擬到
日再議等因題駁去後續據福建巡撫周學健
疏稱緣劉彩文素行不端爲伊母陳氏逐出另

居詎劉彩文于乾隆五年十一月二十四日夜
起意夥同李什行竊劉大嘴之父劉章耕牛一
隻劉章于十二月初四日訪知原牛在李什家
中遂往獲原牛并將李什拉回欲行投官李什
吐出劉彩文夥竊情由初五日劉章尋獲劉彩
文與李什對質劉彩文不肯承認劉章掌批其
頰又被李什指證明確劉彩文自認無辭劉章
遂將劉彩文拉投族衆時有族長劉賓以劉彩
文做賊有犯族禁倡言罰銀八十兩置酒謝族

免其送官究治將劉彩文交與劉公允領交伊

母陳氏收管劉彩文欲賣陳氏膳田備酒陳氏

不允劉彩文輒肆囂鬧併將陳氏推跌倒地迨

初六日劉賓劉章劉大嘴劉漢三劉文登等赴

劉公允家問信劉公允同衆卽往陳氏家中向

劉彩文催索罰銀陳氏告知劉彩文逼賣膳田

推母情由求其幫同送官究治劉賓聲言劉彩

文旣係做賊不孝不如埋死以免族人後累陳

氏始猶不允劉賓又言如不埋死定將膳田賣

銀辦酒示罰比劉漢三在旁亦言劉彩文不肖
留之無用應行活埋陳氏允從劉賓隨令劉大
嘴取出弔狗細鍊將劉彩文鍊住拉牽前走劉
彩文不行劉賓又令劉文登在後幫推陳氏攜
帶稻草喚劉彩文之弟劉相劉牙跟隨同行行
至中途劉相先卽逃避劉牙隨至哀哭求饒劉
賓不允令劉文登空坑陳氏將稻草鋪墊劉賓
令劉大嘴將鍊解放卽同劉大嘴將劉彩文推
落下坑劉文登與陳氏推土掩埋而散嗣陳氏

追悔欲控劉章聞知畏罪于乾隆六年正月十八日給付陳氏銀十兩賄求寢息續據屍妻李氏見夫未歸向陳氏查問陳氏告以劉彩文因偷劉章耕牛逼賣膳田辦酒謝族被伊氣忿掩埋身死隨據李氏控縣起驗屍身迨後李氏復向陳氏查知實情而劉章恐衆人受累隨給李氏銀三兩並許日後照看囑其勿吐實情李氏等隨卽聽從扶同隱諱今准部駁確審據劉大嘴等供認前情不諱除爲首主使之劉賓及下

手空坑之劉文登併私和之劉相俱經先後病故不議外查劉彩文與劉大嘴等係無服族親應同凡論劉大嘴聽從指使幫同活埋應依律擬絞監候劉漢三擬流劉公允等擬以杖徒等因具

題前來應如該撫所題劉大嘴合依謀殺人從而加功者絞監候律擬絞監候秋後處決該撫既稱劉公允合依證佐不言實情出脫犯人全罪者減犯人全罪二等律應減劉賓罪二等杖一

百徒三年劉李氏合依夫爲人所殺而妻私和
律杖一百徒三年劉牙合依期親尊長被殺而
卑幼私和律杖八十徒二年劉章合依知人謀
害他人不阻當律杖二百陳氏合依子被殺而
父母私和律杖八十查劉公允年逾七十陳氏
李氏係婦人均照律收贖竊牛賊犯李什尼完
經審明枷責刺字應免拘訊陳氏等各名下所
得銀兩照追八官等因乾隆十年六月二十四

日題二十六日奉

旨劉大嘴依擬應絞着監候秋後處决餘依議欽此

陝西司

一起爲密諭事會看得長安縣民王四兒箭射原任督標後營遊擊滿倉一案先據西安巡撫陳宏謀疏稱王四兒先在督標中營食糧因酗酒久經革伍乾隆九年十一月十七日王四兒途遇後營兵丁楊天貴藉討茶價欲行毆姦楊天貴回知本營遊擊滿倉將王四兒掌嘴送交長安縣查訊經縣責懲王四兒受刑之後懷忿滿倉蓄心箭射洩恨於十一月二十四日取家中

舊有竹弓并半截箭桿插就尖鐵箭頭知滿倉
次早公出因家居鶯遠將弓箭暗藏衣內攜至
侯相第鋪內託言借宿四更時分王四兒假稱
出恭潛至洒金橋路旁見滿倉經過卽放箭射
傷滿倉腦後棄弓仍回鋪內就寢次日在外躲
避旋卽拿獲研訊供認不諱實係懷忿放箭以
洩私恨並無殺害之心將王四兒照兇徒因事
忿爭執持刀鎗弓箭傷人例擬軍等因具

題前來查弓箭原屬殺人之具射人原有致死之